



Broj: UP09-07-1-2501/18
Sarajevo, 07.03.2019. godine

Ministarstvo pravde Bosne i Hercegovine, rješavajući Zahtjev: Saveza socijalnih radnika i drugih stručnih radnika socijalne djelatnosti u Bosni i Hercegovini, na osnovu člana 8. i 33. Zakona o udruženjima i fondacijama Bosne i Hercegovine ("Službeni glasnik BiH", br. 32/01, 42/03, 63/08, 76/11 i 94/16) i člana 4. stav (1) Pravilnika o načinu vođenja registra udruženja i fondacija Bosne i Hercegovine i stranih i međunarodnih udruženja i fondacija i drugih neprofitnih organizacija ("Službeni glasnik BiH", br. 68/18), d o n o s i

R J E Š E N J E

1. U Registar udruženja kod Ministarstva pravde Bosne i Hercegovine pod **registarskim brojem 2265** Knjiga I Registra, dana 07.03.2019. godine, upisuje se Udruženje pod nazivom:
 - a) Savez socijalnih radnika i drugih stručnih radnika socijalne djelatnosti u Bosni i Hercegovini
Savez socijalnih radnika i drugih stručnih radnika socijalne djelatnosti u Bosni i Hercegovini
Савез социјалних радника и других стручних радника социјалне дјелатности у Босни и Херцеговини

Adresa sjedište udruženja je: Sarajevo, Ulica Skenderija broj 72.

2. Ciljevi i djelatnosti Udruženja su: Razvija i unapređuje metode socijalnog rada i socijalne politike; Afirmiše profesionalni socijalni rad i zalaže se za njegovanje profesionalne etike; Razmatra pitanja koja su od posebnog interesa za stručne radnike u socijalnoj djelatnosti, njihov profesionalni položaj i status u cjelini; Inicira i zalaže se za poboljšavanje uslova rada i života socijalnih radnika i drugih stručnih radnika socijalne djelatnosti i unapređenje organizacije i načina rada; Podržava pripremu i razmatranje dokumenata od značaja za socijalnu sigurnost građana i daje svoj stručni doprinos njihovom koncipiranju i uređivanju; Rad na implementaciji projekata iz oblasti socijalne, porodične i dječije zaštite i socijalnog rada; Podstiče i pomaže socijalnim radnicima i drugim stručnim radnicima socijalne djelatnosti u njihovom stručnom usavršavanju; Inicira i organizuje seminare, okrugle stolove, debate, simpozijume, konferencije, kongrese, promocije i javno zagovaranje, radionice u svrhu ostvarivanja ciljeva i djelatnosti Saveza; Učestvuje u domaćim i međunarodnim skupovima i seminarima koji su u vezi sa ciljevima i djelatnošću Saveza; Saraduje sa drugim društvenim, socijalno-humanitarnim, invalidskim, stručnim i srodnim organizacijama, društvima, udruženjima, državnim organima, ustanovama, preduzećima, istraživačkim i naučnim organizacijama, službama i kadrovima u oblasti socijalnih djelatnosti i socijalnog rada i društvenim djelatnostima uopšte; Izdaje stručne biltene i časopise u svrhu ostvarivanja ciljeva i djelatnosti Saveza u skladu sa Zakonom; Inicira, podržava i realizuje međunarodnu saradnju, i

razmjenu iskustava sa domaćim i stranim, vladinim, nevladinim i profitnim sektorom, uključujući i saradnju sa naučnim i kulturnim institucijama u oblastima od zajedničkog interesa.

3. Udruženje se razvrstava za područje djelovanja:

11. SOCIJALNA DJELATNOST

4. Lica ovlaštena za zastupanje Udruženja u pravnom prometu su:
Mirnes Telalović, predsjednik Upravnog odbora
Srđan Baralić, potpredsjednik Upravnog odbora
Jovo Sajlović potpredsjednik Upravnog odbora
5. Danom upisa u Registar udruženja kod Ministarstva pravde Bosne i Hercegovine, Udruženje stiče svojstvo pravnog lica i ima slobodu djelovanja na cijelom području Bosne i Hercegovine isključivo pod registrovanim nazivom.
6. Ovo Rješenje će se objaviti u „Službenom glasniku BiH“, o trošku podnosioca Zahtjeva i na internetskoj stranici Ministarstva.

O b r a z l o ž e n j e

Osnivači Saveza socijalnih radnika i drugih stručnih radnika socijalne djelatnosti u Bosni i Hercegovini, podnijeli su 08.11.2018. godine Zahtjev za upis u Registar udruženja kod Ministarstva pravde Bosne i Hercegovine.

U toku postupka registracije, Ministarstvo je utvrdilo da Zahtjev nije potpun, te da sadrži nedostatke i nepravilnosti zbog kojih nije moguće izvršiti registraciju. Ministarstvo je aktom broj: UP09-07-1-2501/18 od 14.12.2018. godine zatražilo ispravku i dopunu Zahtjeva.

Nakon otklanjanja nedostataka podnosilac Zahtjeva je podneskom od 23.01., 22.02. i 06.03.2019. godine izvršio ispravku Zahtjeva i dostavio sljedeću dokumentaciju: Zapisnik sa Osnivačke Skupštine Saveza socijalnih radnika i drugih stručnih radnika socijalne djelatnosti u Bosni i Hercegovini od 30.08.2018. godine; Odluku o osnivanju Udruženja broj: 01/18 od 30.08.2018. godine; Odluku broj: 03/18 od 30.08.2018. godine; Aktuelni izvod iz Sudskog registra, Osnovnog suda Brčko distrikta BiH od 11.01.2018. godine; Odluku broj: 01-02/19 od 15.02.2019. godine; Izvadak iz Registra, Federalnog ministarstva pravde broj: 03-49-128/19 od 21.01.2019. godine; Odluku broj: 01-10/2018 od 21.03.2018. godine; Izvod iz Sudskog registra, Osnovnog suda Banja Luka broj: F-1-43/16 od 22.01.2019. godine; Odluku broj: 01-15/18 od 25.06.2018. godine, Statut Udruženja broj: 02/18 od 30.08.2018. godine, u dva primjerka; Odluku o imenovanju organa upravljanja broj: 03/18 od 30.08.2018. godine, sa ovjerenim potpisima i fotokopijama ličnih karata lica ovlaštenih za zastupanje u pravnom prometu; ovjerenu Izjavu od 20.02.2019. godine, u skladu sa članom 31f.) Zakona i dokaz o uplati administrativne takse.

Na osnovu činjenica utvrđenih u postupku, ispunjeni su uslovi propisani članom 8. i 33. Zakona o udruženjima i fondacijama Bosne i Hercegovine i članom 4. Pravilnika o načinu vođenja registra udruženja i fondacija Bosne i Hercegovine i stranih i međunarodnih udruženja i fondacija i drugih neprofitnih organizacija za upis Saveza socijalnih radnika i drugih stručnih radnika socijalne djelatnosti u Bosni i Hercegovini u Registar udruženja kod Ministarstva pravde Bosne i Hercegovine, pa je doneseno Rješenje kao u dispozitivu.

Na ovo Rješenje naplaćena je administrativna taksa u iznosu od 200,00 KM za upis u Registar udruženja, u skladu sa TAR. Brojem 108. Odluke o dopuni tarife administrativnih taksi, („Službeni glasnik BiH“ broj: 73/17).

Pouka o pravnom lijeku:

Protiv ovog Rješenja nije dopuštena žalba, ali se može pokrenuti upravni spor tužbom pred Sudom Bosne i Hercegovine. Rok za podnošenje tužbe je 60 dana od dana prijema ovog Rješenja.



Dostavljeno:

- Tarik Smailbegović
Ulica Skenderija broj 72, 71000 Sarajevo
- (za Savez socijalnih radnika i drugih stručnih radnika socijalne djelatnosti u Bosni i Hercegovini,
i ovjeren tekst Statuta Udruženja)
broj: 02/18 od 30.08.2018. godine
- Zbirka isprava;
- JP NIO "Službeni list BiH".